



**SETEMBRO 2023**

**RESUMO MENSUAL DE ACTIVIDADES**



## XERENCIA CINBIO

- Aire comprimido: fallo do compresor pendente de reparación e posta en marcha. Estímase que a primeira semana de outubro a empresa instale as pezas provisionais que permitan a posta en marcha mentres chegan as definitivas.
- Novo equipamento: LABstar Glove Box Workstation, (MB-10-G Gas Compact Purification), no laboratorio común do M5. Pónse en marcha a reserva a través do [Lims](#), debendo traballar dacordo ao protocolo de uso de equipos/salas comúns desenvolvido especificamente para a Glove Box (dispoñible no xestor documental [CIENTIFIS](#)).
- Instalación de mesa óptica na sala de láseres do laboratorio común del M2
- Instalación e posta en marcha de dúas vitrinas de usos especiais no M4
- Donación de dous incubadores shaker por parte de Lonza Biologics; próxima instalación no laboratorio de bacterias.
- Calibración de equipos (cabins de bioseguridade, balanzas, etc.) e validación de salas (Animalario, NCB3 e biomódulo).
- Reparación da UTA do quirófano do animalario e substitución do motor de impulsión

### Próximas actuaciónes:

Realizarase un corte eléctrico de 12h en outubro (estímase o día 17, pendente de confirmación), debido aos traballos da empresa EDELNE-UFD, para a realización do cambio de Celdas no centro de transformación situado na Rúa Fonte das Abilleiras.

- Enchufes e equipos conectados á SAI previsiblemente manterán o suministro eléctrico.
- Enchufes e equipos conectados ao grupo electrógeno previsiblemente terán un corte de suministro de moi pouca duración. Os enchufes a rede eléctrica externa non terán suministro durante o corte.
- Os equipos críticos que no se vaian a usar é mellor telos desenchufados.

Haberá un simulacro deste corte eléctrico o día 4 de outubro ás 12h, con dúas horas de duración.



## CIENCIA CON C DE CINBIO 2023

Como cada inicio de curso, o CINBIO celebrou o seu ciclo de divulgación científica **“Ciencia con C de CINBIO”** co principal obxectivo de dar a coñecer ao público xeral as investigacións e a ciencia que se está a levar a cabo na actualidade por parte do #teamCINBIO.

O luns 4 e o luns 11 de setembro, levamos a ciencia ás rúas de Ourense e Vigo, respectivamente, coa instalación dunha carpa informativa, na que as persoas que se achegaron tamén puideron participar en divertidos experimentos ou xogar coa nosa ruleta científica e gañar algún que o outro premio.

O venres 15 de setembro chegou o gran día: o CINBIO abriu as súas portas á cidadanía, nunha xornada que tivo unha gran acollida, chegando a cubrirse as 80 prazas ofertadas e participando persoas de todas as idades, desde os 5 ata os 93 anos. Tras recibir a benvinda por parte do director do centro, as persoas participantes fixeron un percorrido por diferentes laboratorios, nos que as investigadoras e os investigadores dos grupos SING, FunNanoBio, Neurocircuits, TeamNanoTech, ORCHID, Filoxenómica e Inmunoloxía organizaron sinxelos e lúdicos experimentos, ademais de relatar en primeira persoa en que consiste o seu traballo.

Queremos agradecervos unha vez máis o voso esforzo e implicación nesta iniciativa. Grazas a vós, esperamos un ano máis a curiosidade científica de moita persoas. [Máis información.](#)





## COÑECE AO #TEAMCINBIO

O martes 5 de setembro tivemos a oportunidade de coñecer o traballo de Carlos Renero-Lecuna, investigador do Biomimetic Nanomaterials Lab do CINBIO, que impartiu unha charla dentro do ciclo "Coñece ao #teamCINBIO". [Máis info.](#)



## QUERO SER INVESTIGADORA

A líder do grupo de Nanomateriais Híbridos do CINBIO, Verónica Salgueiriño, participou no podcast 'Quero ser investigadora' de Atlántico Diario, no que fixo un repaso do camiño percorrido no mundo da ciencia. [Máis info.](#)




## SEMINARIO DR. AKIRA & DR. NÚÑEZ

O luns 18 de setembro o Dr. Shizuo Akira (Osaka University) e o Dr. Gabriel Núñez (University of Michigan Medical School) ofreceron dous seminarios dentro do ciclo "CINBIO Seminar Programme". [Máis info.](#)




## FORMACIÓN EN TRANSFERENCIA

O 21 de setembro celebrouse a segunda sesión do programa formativo en Transferencia de resultados de investigación. Foi impartida por Pablo Mosquera, de Unirisco, e estivo centrada nos conceptos clave sobre a protección intelectual. [Máis info.](#)



## PUNTO VIOLETA DO CINBIO

O mércores 27 inauguramos o Punto Violeta do CINBIO, un espazo situado no 2º andar, pensado para que o persoal do noso centro poida atopar teléfonos e información de interese en relación ao ámbito da igualdade, ademais de beneficiarse do préstamo de libros de temática feminista. [Máis info.](#)



## CINBIO NO DIARIO EL PAÍS

Este mes o diario El País publicou unha reportaxe sobre a investigación desenvolvida no CINBIO. Tamén se fixo referencia ao novo programa de doutoramento en Nanociencia e Biomedicina vinculado ao noso centro. [Máis info.](#)

# PREVISIONS OUTUBRO 2023



## 6 OUTUBRO - Evento de Team Building do CINBIO

O venres 6 de outubro temos un evento de *team building* que marcará un antes e un despois no CINBIO. Será unha competición moi divertida na que teremos a posibilidade de demostrar a nosa creatividade e capacidade de innovación.

Non vos esquezades de traer convosco calquera elemento disparatado ou material de refugallo. Agardámosvos ás 10:00 horas no Teatro Universitario do Campus Universitario de Vigo.

**Teatro Universitario do Campus Universitario de Vigo, 10.00h**

## 19 OUTUBRO - I edición do evento CINBIO Gold Talk



O xoves 19 de outubro terá lugar a primeira edición do evento científico CINBIO Gold Talk, impulsado polo noso centro co obxectivo de promover e premiar a persoas e institucións que contribúen ao impulso e desenvolvemento da ciencia, tanto a través do exercicio da investigación como noutras facetas relacionadas que favorecen e fomentan o progreso da investigación (xestión, dirección, transferencia ou difusión de ciencia), especialmente nos ámbitos de actuación do CINBIO, como son a biomedicina e os nanomateriais.

Nesta primeira edición haberá dous recoñecementos: o International CINBIO Gold Talk e o National CINBIO Gold Talk. As persoas homenaxeadas terán a oportunidade de presentar a súa "Gold Talk". Será unha charla coa que inspirar, e amosar o seu traballo ás persoas convidadas.

Máis información.

**Palacio de la Oliva (Vigo), 19.00h.**

# PREVISIONS OUTUBRO 2023

## **26 OUTUBRO - XORNADA "EMPREENDENDO CON PERSPECTIVA DE XÉNERO"**

O xoves 26 de outubro en horario de 09.00 a 15.00 horas celebraremos a xornada "Emprendendo con perspectiva de xénero", na sala 1 do Edificio Miralles.

Este evento pretende ser unha xornada de reflexión sobre a necesidade de contar con ecosistemas innovadores máis inclusivos e diversos, para lograr así unha representación equilibrada de xénero na ciencia e na transferencia de tecnoloxía, onde todos os axentes que participen nel poidan contribuír plenamente e beneficiarse dos seus resultados.

Trátase dunha acción recoñecida con créditos ECTS para o alumnado da Universidade de Vigo, e desenvolvida no marco das axudas para a organización de actividades que contribúen á sensibilización en materia de xénero e á transmisión de valores igualitarios impulsadas pola Unidade de Igualdade da Universidade de Vigo.

Para asistir **é necesario inscribirse neste formulario**, que permanecerá aberto ate o 20 de outubro.

**Sala 1 do Edificio Miralles, Campus Universitario. Vigo - 09.00h**

# PREVISIONS NOVEMBRO 2023



## **3 NOVEMBRO - PROF. JOCHEN FELDMANN**

Chair for Photonics and Optoelectronics, Ludwig Maximilian University of Munich, Germany.

Proximamente máis información.

**Sala Audiovisuais, Módulo 6, CINBIO**




## **10 NOVEMBRO - ANTONIO BENAYAS**

Nanomaterials for Bioimaging Group (NanoBIG), Dept de Física de Materiales Universidad Autónoma de Madrid

**[Choosing a Different Messenger: How Lifetime \(Nano\)Thermometry Addresses the "Tissue Issue" When Remotely Monitoring Physiological Processes](#)**

**Sala de seminarios, Torre CACTI**



[cinbio.es](http://cinbio.es)



*PO FEDER Galicia 2014-2020  
"Unha maneira de facer Europa"*